

FITAIZANA SKOTO

Miatrika zaikabe faha-9 ny Fanilon'i Madagasikara

Fanilon' i Madagasi- kara: Miatrika zai- kabe faha-9 sy ny fivoriambeny nanomboka ny 30 aogositra lasa teo, ka tsy hifarana raha tsy ny 06 septambra izao ny Fanilon'i Madagasikara, fitaizana skoto zazavavy. Tanterahina ao amin' ny FTMTK Ambohipo ny zai- kabe andiany faha9 sy ny fivoriamben' ny Fanilon' i Madagasikara,, fanatsa- rana ny fomba fanabea- zana ny ankizivavy sy zatovovavy ao anatin' ny fikambanana no atao amin' izany. Miisa 550 ny mpikambana avy amin' ny lafivalon' ny Nosy amin' ny Diosezy 22 no miatrika izany. Ny lohahevitra entina manatontosa izao zai- kabe izao dia: "Mira- dalana miara-tody lavitra ho an' ny ankizivavy sy ny tontolony. Izany ary no andidio azy ireo, mba tsy hananany tsiny" (1Tim5:7).



Ny zaikaben'ny Fanilon'i Madagasikara atao eny Ambohipo.x

Nosokafana tamin' ny fomba ofisialy tamin'ny Sorona Masina izany te- nyAmbohipo, lamesa izay notarihin' ny Eveka mpa- nampy ny Diozezin' Anta- nanarivo, Mgr Andriant- soavina Jean Pascal.

Aly

Ady amin'ny zava-mahadomelina

Rongony milanja 207 kg saron'ny zandary

Miseho lany ny varotra antsokosoko zava-maha- domelina amin'izao fotoana any amin'ny faritra Sofia iny. Rongony mil- anja 207 kg no saron' ny zandary tany Antsohihy. Omaly no nodorana ampahibemaso ny rongony milanja 207 kg. Ny 23 aogositra lasa teo no saron' ny zandary ireo rongony ireo tany amin' ny kaomin- nina ambanivohitra Antsa- habe. Tsy misy ny olona voasambotra fa ny entana no nogiazana. Lohara- nom-baovao avy amin' olon-tsootra no nahitana ireto rongony ireto, hoy ny fanambarana nataon' i



Rongony nodorana tany Antsohihy.

"Commandant de Bri- gade", Randrianomby An- dré Désiré. Tonga niatrika izao fando- rana rongony izao, ny ma- nampahefana any an-toe- rana, izay notarihin' ny le- fitry ny préfet, Franchard Patrick, ny solontena avy amin'ny fiadidiana ny ta- nàn'Antsohihy ary ny teo anivon'ny zandarimariam- pirenena, notarihin' ny CB Randrianomby André Dé- siré. Entanina hatrany ny rehe- tra mba hanome vaovao marim-pototra hamongo- rana ny ratsy, hoy ireo mpitaandro filaminana.

Niaina



Ilay raikely tsy vanona nanolana ny zana-badiny.

Tontolon'ny sary sy asa fanaovan-gazety

Nodimandry i Dany Be

Nodimandry teo amin'ny faha-86 taonany ny mpa- nao gazety zokiolona Ra- kotoseheno Félix Daniel, na i Dany Be, izay tsy zo- viana amin'ny mpanao

gazety eto Madagasikara rehetra tamin'ny fifane- raserany nivantana ta- min'izy ireo, indrindra ta- min'ny niandraiketana fi- faneraserana tamin'ity

tontolo ity tao amin'ny Cite Ambatonakanga, na- nomboka tany amin'ny taona 1990 tany. Zokibe tsy nitsahatra nampita ny traiekafany teo amin'ny fa-

naovan-gazety Malagasy i Dany Be, indrindra teo amin'ny sehatry ny fakana sary an-gazety izay tena nanavanana azy tokoa. Tapitra niainany sy natre- hany avokoa ireo tranga navaivay ara-pôlitika teto amin'ny firenena, nanom- boka tamin'ny Repoblika voalohany, ka tsaroan'ny maro teto Antananarivo ihany koa izy fony izy ni- tana "studio" fakana sary tao amin'ny Bulding Ra- maroson nialohan'ny taona 90 tany ho any, in- drindra fa ny fakana sary tapaka. Mirary fiononana feno ho an'ny fianaka- viana nilaozany, sy ho an'ny tontolon'ny asa fa- naovan-gazety izahay eto amin'ny gazety Ny Valo- soa Vaovao.

Rainilita



Dany Be, na Rakotoseheno Daniel fahavelony.

Herisetra ara-nofa amin'ny ankizy Lehilahy nanimba ny zana- badiny vao 10 taona monja

Herisetra ara-nofa amin'ny ankizy, lehilahy iray na- nimba sy nanolana ny zana-badiny vao 10 taona monja. Tsy vitan'ny fanolanana teo aloha sy aorian'ilay tovovavy kely no nataony, fa mbola nampanao ny za- vatra mamoaafady hafa koa. Tsy vao voalohany ilay za- zavavikely no nanaovany fihetsika mamoaafaady toy izao saingy niharitra teny noho ny tahotry ny kapoka ataon'ity lehilahy ity azy. Tsy nanaiky izany intsony ity zavavavikely ity, ka nitantara tamin'ny reniny ny zavatra mahazo azy. Tonga nitory teny amin'ny Polisy ny reni- beny sy ny renin'ilay zazavavikely, ka nosamborina ilay lehilahy.

Tao anatin'ny fanadihadiana dia niaiky ny heloka na- taony ilay lehilahy ary rehefa mandeha miasa ilay ve- hivavy, no anamparany io filan-dratsy io ilay zaza. Ny Polisy-pirenena dia misintona ny saintsika Ray aman- dreny, mba ho mailo amin'ny fihetsika rehetra ase- hon'ny ankizy ao an-tokantrano sy eny anivon'ny fiaraha-monina, fa indrindra ny amin'ny resaka ara-pa- hasalamana. Izay mahafantatra na mahita tranga toy izao dia hiangaviana hanatona ny sampandrahara- han'ny Polisy-pirenena, indrindra ireo sampandraha- raha manokana mpiaro ny zaza, hoy ny fanambarana avy amin'ny mpitandro filaminana.

Stefa

Taratasin'ny mpamaky

Fanehoan-kevitra ampitaina amin'ny gazety Ny Va- losoa Vaovao, sy ny mpamaky azy ary ireo izay mety hiantefany izao manarak izao. Misy fomba fi- teny izay: NY SANDRY BE TSY MITAHY MIADY. Andriamatoa Filoha hajaina, fo tsy misorona no ent- tiko, ataovy toy ny voankazo amoron-dalana ka izay mamy atelemo, fa izay mangidy ario. Raha diso ny teniko, ario fa izaho aza ariana fa havanao, Gasy toa anao mihevitra ny mba tia an'ity tany sy firenena ity toa anao.

Amin'ny MAHA GASY ANTSIKA dia tsy fanao Tom- poko ny manomboka fananganana na mitokan-ja- vatra, indrindra fa zavatra amin'ny tany masina toa an'i Mahamasina io amin'ny FOTOANA RAVA VO- LANA TAHAKA IZAO.

Na dia matanjaka sy kinga aza ireo Mpilalaontsika ireo dia mila miankina amin-javatra maro izany, ka anisan'izany ny fanajana ny hasin'ny fomba amam- panao maha Gasy antsika.

Na izany aza, toko tapaka vilany mitongilana, izay tsy mety arena.

Mankahery anao sy isika Gasy rehetra fa tsy lahatra ho antsika ny faharesena, fa antsika samy isika ny fiarenana.

Andriandrainarivo Josephin Mpamaky gazety Ny Valosoa Vaovao